



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-46882-2/25
Sarajevo, 25.09.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo”, broj: 36/14 - Novi prečišćeni tekst i 37/14- Ispravka) Vlada Kantona Sarajevo, na **95.** sjednici održanoj **25.09.2025.** godine, donijela je

ZAKLJUČAK

1. Utvrđuje se prijedlog Zakona o Registru finansijskih potraživanja u Kantonu Sarajevo.
2. Prijedlog Zakona iz tačke 1. ovog zaključka dostavlja se Skupštini Kantona Sarajevo, na nadležno odlučivanje.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo finansija Kantona Sarajevo,
6. Evidencija,
7. A r h i v a.

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA**

**ZAKON
O REGISTRU FINANSIJSKIH POTRAŽIVANJA
U KANTONU SARAJEVO
(Prijedlog)**

Nosilac izrade: Ministarstvo finansija

Sarajevo, septembar 2025. godine

Na osnovu čl. 12. tačka m) i 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj __. __. 2025. godine, donijela je

Prijedlog

ZAKON O REGISTRU FINANSIJSKIH POTRAŽIVANJA U KANTONU SARAJEVO

POGLAVLJE I - UVODNE ODREDBE

Član 1. (Predmet)

Ovim zakonom utvrđuje se uspostavljanje, sadržaj i vođenje jedinstvenog registra finansijskih potraživanja u Kantonu Sarajevo.

Član 2. (Pojmovi)

Pojmovi koji se koriste u ovom zakonu imaju sljedeće značenje:

a) jedinstveni registar finansijskih potraživanja u Kantonu Sarajevo (u daljem tekstu: Registar) je objedinjena evidencija podataka o finansijskim potraživanjima obveznika unosa podataka,

b) finansijska potraživanja su:

1) potraživanja po osnovu javnih prihoda za koje evidenciju i kontrolu naplate vode obveznici unosa podataka (sudske takse, administrativne takse, naknade od koncesija, novčane kazne, vlastiti javni prihodi budžetskih korisnika, ostale naknade koje ostvaruju budžetski korisnici po važećim propisima i ostali neporezni javni prihodi),

2) potraživanja od pravnih i fizičkih lica po osnovu kredita i pozajmljivanja i druga potraživanja po zaključenim ugovorima,

3) potraživanja po osnovu regresnih postupaka,

4) potraživanja po osnovu paušala i stvarnih troškova pruženih zdravstvenih usluga ino osiguranicima po osnovu potpisanih međudržavnih ugovora o socijalnom osiguranju i

5) potraživanja po osnovu režijskih troškova po ispostavljenim računima za isporučenu toplotnu energiju, plin, voda, za održavanje čistoće i drugih komunalnih usluga, koja nisu plaćena u roku 180 dana od dana dospijeca.

c) obveznici unosa podataka su kantonalna ministarstva, kantonalne uprave i kantonalne upravne organizacije, stručne i druge službe organa zakonodavne i izvršne vlasti u Kantonu Sarajevo, Kantonalni sud u Sarajevu, Općinski sud u Sarajevu, Kantonalno tužilaštvo Kantona Sarajevo, Pravobranilaštvo Kantona Sarajevo, Univerzitet u Sarajevu, drugi budžetski korisnici Kantona Sarajevo, vanbudžetski fondovi, jedinice lokalne samouprave u Kantonu Sarajevo, pravobranilaštva jedinica lokalne samouprave u Kantonu Sarajevo, javne ustanove i javna preduzeća čiji je osnivač Kanton Sarajevo, javna preduzeća i javne ustanove čiji je osnivač jedinica lokalne samouprave u

Kantonu Sarajevo, te pravna lica u kojim Kanton Sarajevo i/ili jedinica lokalne samouprave u Kantonu Sarajevo učestvuje sa više od 50% ukupnog kapitala.

Član 3. **(Svrha Registra)**

Registar predstavlja jedinstvenu evidenciju podataka o finansijskim potraživanjima obveznika unosa podataka u svrhu centralizovanog, kvalitetnog i efikasnog upravljanja novčanim sredstvima u Kantonu Sarajevo (u daljem tekstu: Kanton).

Član 4. **(Gramatička terminologija)**

Gramatička terminologija korištenja muškog i ženskog roda za pojmove u ovom zakonu uključuje oba roda.

POGLAVLJE II - USPOSTAVLJANJE, SADRŽAJ I VOĐENJE REGISTRA

Član 5. **(Uspostavljanje Registra)**

- (1) Registar uspostavlja i vodi Ministarstvo finansija Kantona Sarajevo (u daljem tekstu: Ministarstvo) u elektronskom obliku.
- (2) Nakon uspostavljanja Registra, njegovim daljim razvojem, unapređenjem i korištenjem podataka upravlja Ministarstvo.
- (3) Ministarstvo je ovlašteno da prikuplja, evidentira, obrađuje, koristi i arhivira podatke sadržane u Registru.
- (4) Na osnovu podataka sadržanih u Registru, Ministarstvo, u cilju efikasnijeg upravljanja finansijskim potraživanjima, naplatom finansijskih potraživanja kreira i predlaže politike, strategije i mjere koje razmatra i usvaja Vlada Kantona Sarajevo, a za jedinice lokalne samouprave, pravobranilaštva jedinica lokalne samouprave, javna preduzeća i javne ustanove čiji je osnivač jedinica lokalne samouprave te pravna lica u kojim jedinica lokalne samouprave u Kantonu Sarajevo učestvuje sa više od 50% ukupnog kapitala, razmatra i usvaja gradsko odnosno općinsko vijeće.
- (5) U obavljanju poslova u vezi sa Registrom, stručno-operativnu i tehničku pomoć Ministarstvu pružaju Zavod za informatiku i statistiku Kantona Sarajevo (u daljem tekstu: Zavod) i obveznici unosa podataka u smislu ovog zakona.

Član 6. **(Sadržaj Registra)**

- (1) Registar čine podregistri potraživanja i to:
 - a) podregistar neporeznih potraživanja,
 - b) podregistar potraživanja iz ugovornih odnosa,
 - c) podregistar potraživanja po kreditima i pozajmljivanju,
 - d) podregistar komunalnih potraživanja i
 - e) podregistar vanbilansnih potraživanja.
- (2) Podaci o konkretnom finansijskom potraživanju unose se u odgovarajući podregistar iz stava (1) ovog člana, potpunom predviđenih rubrika u aplikaciji informatičkog sistema.
- (3) Unos podataka o finansijskim potraživanjima obveznika unosa podataka vrši se na osnovu dokumentacije kojom raspolažu obveznici unosa podataka.

Član 7.
(Obaveza unosa podataka)

- (1) Obveznici unosa podataka u Registar unose podatke o vlastitim finansijskim potraživanjima.
- (2) Obveznici unosa podataka dužni su imenovati odgovorna i ovlaštena lica za unos podataka u Registar u roku od 30 dana od dana stupanja na snagu ovog zakona, a podatke o imenovanim licima u pisanoj formi dostaviti Ministarstvu u roku od sedam dana od dana imenovanja.
- (3) Obveznici unosa podataka dužni su o svakoj promjeni imenovanih lica iz stava (2) ovog člana pisanim putem obavijestiti Ministarstvo u roku od sedam dana od dana promjene.
- (4) Ministar donosi uputstvo kojim se bliže propisuje postupak unosa i verifikacije podataka unesenih u Registar.
- (5) Registracija i dobijanje korisničke šifre za imenovana lica iz stava (2) ovog člana regulisat će se uputstvom iz stava (4) ovog člana.

Član 8.
(Osiguranje uslova za vođenje Registra i edukacija)

- (1) Rukovodilac obveznika unosa podataka odgovoran je za osiguranje potrebnih kadrovskih i tehničkih kapaciteta za unos podataka u Registar.
- (2) Ministarstvo je nadležno za provedbu obavezne edukacije imenovanih lica iz člana 7. stav (2) ovog zakona.
- (3) Edukacija iz stava (2) ovog člana će se realizovati u roku od 60 dana od dana stupanja na snagu ovog zakona.

Član 9.
(Rokovi za unos i verifikaciju podataka)

- (1) Obveznici unosa podataka su dužni u roku od 120 dana od dana stupanja na snagu ovog zakona izvršiti unos podataka o svim finansijskim potraživanjima.
- (2) Nakon inicijalnog unosa podataka iz stava (1) ovog člana, obveznici unosa podataka su dužni sve naknadne promjene podataka uredno evidentirati u Registru najmanje jednom kvartalno, do posljednjeg dana tekućeg mjeseca za prethodni kvartal.
- (3) Rukovodilac obveznika unosa podataka dužan je u rokovima iz st. (1) i (2) ovog člana elektronski verifikovati izvršeni unos potvrdom u odgovarajućem polju aplikacije.

Član 10.
(Odgovornost za tačan unos podataka)

- (1) Obveznici unosa podataka su odgovorni za tačan unos podataka unesenih u Registar.
- (2) Imenovana lica iz člana 7. stav (2) ovog zakona dužna su naknadno uočene netačne podatke u Registru korigovati odmah po saznanju.

Član 11.
(Jedinstvena baza)

Ministarstvo podatke unesene od obveznika unosa podataka objedinjuje u jedinstvenu bazu automatskim preuzimanjem podataka.

POGLAVLJE III - KORIŠTENJE PODATAKA

Član 12.

(Ovlaštenja za pristup podacima iz Registra)

- (1) Podacima o finansijskim potraživanjima obveznika unosa podataka mogu isključivo pristupati imenovana lica iz člana 7. stav (2) ovog zakona.
- (2) Podaci uneseni pod jednom korisničkom šifrom, mogu biti izmijenjeni pod drugom korisničkom šifrom dodjeljenom istom obvezniku unosa podataka.
- (3) Pristup podacima u Registru ima i rukovodilac obveznika unosa podataka za podatke koji se odnose na finansijska potraživanja tog obveznika unosa podataka, a koji verifikuje izvršeni unos podataka iz člana 9. stav (3) ovog zakona.
- (4) Ministar je ovlašten da pristupa svim podacima u Registru.
- (5) Pravo pristupa i upravljanja podacima u Registru ima državni službenik ili namještenik Ministarstva ovlašten za administriranje Registra.
- (6) Izuzetno od stava (4) ovog člana, u slučaju spriječenosti ili odsutnosti ministra, ministar može ovlastiti državnog službenika Ministarstva za pristup svim podacima u Registru.
- (7) Lica iz st. (3), (4), (5) i (6) ovog člana nemaju ovlaštenje za unos podataka u Registar.

Član 13.

(Ustupanje podataka)

- (1) Registar finansijskih potraživanja nije javan.
- (2) Ministarstvo nije ovlašteno distribuirati ili objavljivati podatke u njihovom izvornom obliku, niti ustupati bazu podataka bilo kojem fizičkom ili pravnom licu.
- (3) Ministar može sintetičke izvještaje, analize i informacije sačinjene na osnovu podataka iz Registra učiniti dostupnim u svrhu statističke ili naučno-istraživačke obrade, preduzimanja mjera na provedbi ovog zakona, te izvršavanja nadležnosti zakonodavne, izvršne ili sudske vlasti.

Član 14.

(Održavanje softverske aplikacije i zaštita podataka u Registru)

- (1) Za održavanje softverske aplikacije i očuvanje povjerljivosti, integriteta i osiguranje dostupnosti podataka u Registru odgovoran je Zavod.
- (2) Za povjerljivost korisničke šifre odgovoran je korisnik.

Član 15.

(Pohrana izmjena i ispravki podataka u Registru)

Zavod je dužan da osigura pohranu i čuvanje informacija o svim podacima prvobitno unesenim u Registar, bez obzira na njihove naknadne izmjene ili ispravke, te licima i korisničkim šiframa pod kojim su podaci prvobitno uneseni, odnosno naknadno izmijenjeni ili ispravljeni.

POGLAVLJE IV - KAZNE NE ODREDBE

Član 16. (Kaznene odredbe)

- (1) Imenovana lica iz člana 7. stav (2) ovog zakona, koja namjerno ili iz krajnje nepažnje propuste da unesu podatke u Registar ili u Registru izvrše unos netačnih podataka o finansijskim potraživanjima obveznika unosa podataka, kaznit će se za prekršaj novčanom kaznom od 500,00 do 1.000,00 KM.
- (2) Za ponovljeni prekršaj iz stava (1) ovog člana imenovana lica iz člana 7. stav (2) ovog zakona kaznit će se novčanom kaznom od 2.000,00 do 3.000,00 KM.
- (3) Za nepotpun ili netačan unos podataka o finansijskim potraživanjima obveznika unosa podataka u Registar i nepostupanje u skladu sa članom 7. st. (2) i (3) ovog zakona, kaznit će se za prekršaj rukovodilac obveznika unosa podataka novčanom kaznom od 1.000,00 do 2.000,00 KM.
- (4) Za ponovljeni prekršaj iz stava (3) ovog člana, rukovodilac obveznika unosa podataka kaznit će se novčanom kaznom od 3.000,00 do 5.000, 00 KM.
- (5) Ministarstvo pokreće prekršajni postupak za prekršaje iz ovog člana u skladu sa Zakonom o prekršajima („Službene novine Federacije BiH“, broj 63/14).

Član 17. (Disciplinska odgovornost)

Imenovana lica iz člana 7. stav (2) ovog zakona i državni službenici i namještenici Ministarstva i Zavoda u svom djelokrugu rada i u skladu sa odredbama ovog zakona podliježu disciplinskoj odgovornosti shodno propisima koji se odnose na disciplinsku odgovornost državnih službenika i namještenika.

POGLAVLJE V – PRELAZNE I ZAVRŠNE ODREDBE

Član 18. (Donošenje podzakonskih propisa)

- (1) Ministar će u roku od 30 dana od dana stupanja na snagu ovog zakona donijeti uputstvo iz člana 7. stav (4) ovog zakona.
- (2) Direktor Zavoda će u roku od 30 dana od dana stupanja na snagu ovog zakona donijeti propis kojim će propisati mjere, sredstva i uslove zaštite i pohrane podataka u Registru.

Član 19. (Nadzor)

Nadzor nad provođenjem ovog zakona vrši Ministarstvo.

Član 20.
(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj:
____.____.____. godine
Sarajevo

Predsjedavajući
Skupštine Kantona Sarajevo
Elvedin Okerić

O B R A Z L O Ž E N J E

PRAVNI OSNOV

Pravni osnov za donošenje zakona o Registru finansijskih potraživanja u Kantonu Sarajevo sadržan je u odredbama člana 12. tačka m) i člana 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), kojim je utvrđeno da Kanton Sarajevo ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima, i člana 18. tačka b) kojim je utvrđeno da je u nadležnosti Skupštine Kantona Sarajevo, između ostalog, i donošenje zakona i drugih propisa u okviru izvršavanja nadležnosti Kantona.

RAZLOZI ZA DONOŠENJE

Skupština Kantona Sarajevo je na 22. Radnoj sjednici održanoj 23.05.2025. godine utvrdila Nacrt zakona o registru finansijskih potraživanja u Kantonu Sarajevo, te isti stavila u javnu raspravu koja će trajati 30 dana. Pozvani učesnici u javnoj raspravi su kantonalni organi uprave i jedinice lokalne samouprave, kantonalne ustanove i javna preduzeća, općinski sud u sarajevu, kantonalni sud u sarajevu, naučne i stručne ustanove.

Nakon provedene javne rasprave Ministarstvo finansija je sačinilo Izvještaj o rezultatima javne rasprave o nacrtu zakona o registru finansijskih potraživanja u Kantonu Sarajevo.

Ministarstvo finansija je u saradnji sa Uredom za zakonodavstvo Vlade Kantona Sarajevo u tekstu prijedlogu zakona izvršilo određene nomotehničke ispravke, te dobilo mišljenje na konačan tekst Prijedlog zakona.

Ministarstvo pravde i uprave je u skladu sa važećim propisima dalo mišljenje na Prijedlog zakona.

PRAVNA RJEŠENJA

U članu 1. utvrđuje se predmet zakona,

U članu 2. definišu se pojmovi korišteni u zakonu,

U članu 3. određena je svrha uspostave Registra.

U članu 4. utvrđuje se gramatička terminologija korištenja muškog i ženskog spola,

U članu 5. utvrđuje se uspostavljanje Registra,

U članu 6. utvrđuje se sadržaj Registra,

U članu 7. utvrđuje se obaveza unosa podataka u Registar,

U članu 8. utvrđuje se osiguranje uslova za vođenje Registra i edukacija,

U članu 9. utvrđuju se rokovi za unos i verifikaciju podataka,

U članu 10. utvrđuje se odgovornost za tačnost podataka unesenih u Registar,

U članu 11. utvrđuje se objedinjavanje unesenih podataka od strane obveznika unosa u jedinstvenu bazu automatskim preuzimanjem podataka.

U članu 12. utvrđuju se ovlaštenja za pristup podacima iz Registra.

U članu 13. utvrđuje se ustupanja podataka iz Registra.

U članu 14. utvrđuje se održavanje softverske aplikacije i zaštita podataka iz Registra,

U članu 15. utvrđuje se pohrana i zmjena i ispravki podataka u Registru,

U članu 16. utvrđene su kaznene odredbe,

U članu 17. propisana je disciplinska odgovornost.

U članu 18. utvrđuje se donošenje podzakonskih akata

U članu 19. uređuje se da nadzor nad provođenjem ovog zakona vrši Ministarstvo finansija

U članu 20. propisano je stupanje na snagu zakona.

FINANSIJSKA SREDSTVA

Za provođenje ovog zakona nisu potrebna dodatna finansijska sredstva u budžetu Kantona Sarajevo.

**Bosna i Hercegovina
Federacija Bosne i Hercegovine
KANTON SARAJEVO
VLADA**

**IZVJEŠTAJ
O REZULTATIMA JAVNE RASPRAVE
O NACRTU ZAKONA O REGISTRU FINANSIJSKIH POTRAŽIVANJA
U KANTONU SARAJEVO**

Sarajevo, septembar 2025.godine

Skupština Kantona Sarajevo je na 22. Radnoj sjednici, održanoj dana 23.05.2025. godine utvrdila Nacrt zakona o Registru finansijskih potraživanja u Kantonu Sarajevo i donijela zaključak da se provede javna rasprava u trajanju 30 dana.

U toku javne rasprave dostavljene su primjedbe na Nacrt zakona o Registru finansijskih potraživanja u Kantonu Sarajevo, koje je razmatrala Vlada Kantona Sarajevo na sjednici održanoj _____ godine i zauzela stavove kako slijedi:

DOSTAVLJENE PRIMJEDBE

Ministarstvo unutrašnjih poslova – Uprava policije

“ U članu 2. Nacrta Zakona se daje definicija finansijskih potraživanja, te se navodi između ostalog da finansijska potraživanja u smislu ovog zakona podrazumijevaju potraživanja po osnovu javnih prihoda za koje evidenciju i kontrolu naplate vode obaveznici unosa podataka iz člana 1. stav (3) ovog zakona, te se navode i novčane kazne. Na državnom nivou već postoji Evidencija o registru novčanih kazni i prekršajnoj evidenciji, u skladu sa zakonima o prekršajima u BiH. Ova centralna evidencija je elektronski povezana sa ključnim registrima i bazama podataka (JMB, prebivalište, lični dokumenti, vozačke dozvole, registracija vozila, itd). Podaci se dostavljaju odmah, elektronski i bez odlaganja od strane nadležnih organa, čime se već osigurava praćenje i izvršenje novčanih kazni u realnom vremenu. Evidencija je uspostavljena kao instrument jedinstvene i obavezujuće evidencije na teritoriji cijele BiH, a dostupna je svim nadležnim organima putem uspostavljenih tehničkih i pravnih mehanizama. Uvođenje dodatne evidencije novčanih kazni koje predstavljaju potraživanja po osnovu javnih prihoda na kantonalnom nivou vodi ka dupliranju evidencija i stvaranju pravne nesigurnosti, povećanje administrativne opterećenosti organa, mogućim neslaganjima između registara, neefikasnom trošenju javnih resursa i potencijalnoj neusklađenosti sa propisima višeg pravnog ranga, jer oblast vođenja jedinstvene evidencije o novčanim kaznama već je zakonski regulisana na državnom nivou. Radi izbjegavanja pravnih konflikata, dupliranja funkcija i povećanja troškova javne uprave, te u interesu systemske koordinacije i efikasnosti, nije opravdano uvrštavati novčane kazne u registar finansijskih potraživanja u Kantonu Sarajevo, jer su one već obuhvaćene postojećom, funkcionalnom i sveobuhvatnom evidencijom na državnom nivou. U skladu sa navedenim sugerišemo jasno normiranje da se pod novčanim kaznama podrazumijevaju isključivo one koje nisu već obuhvaćene državnim registrom - Registrom novčanih kazni i prekršajne evidencije. Naglašavamo ukoliko se ne prihvati ova sugestija Uprava policije MUP-a KS neće moći realizovati obaveze koje se propisuju ovim zakonom u pogledu novčanih kazni koje nisu naplaćene i koje su već evidentirane u pomenutom Registru novčanih kazni i prekršajne evidencije. Naime, Uprava policije MUP-a KS je u 2024. godini samo iz oblasti Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“ br. 06/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/23) izdala 381.815 prekršajni nalog, te iz oblasti javnog reda i mira su izdata 4.573 prekršajna naloga i podnesen 881 zahtjev za pokretanje prekršajnog postupka. Evidentna je enormna radna preopterećenost ostojjećih zaposlenika ovog organa vezanih za obradu i izdavanje prekršajnih naloga i obavljanje drugih poslova uključujući i poslove unosa podataka u Registar novčanih kazni i prekršajne evidencije u kojem su evidentirane i novčane kazne koje predstavljaju potraživanja u smislu Nacrta Zakona, te se informacije iz ove evidencije mogu dostavljati ovlaštenim organima u Bosni i Hercegovini.

U obrazloženju Nacrta Zakona navodi se da za provođenje ovog zakona nisu potrebna dodatna finansijska sredstva u Budžetu Kantona Sarajevo, te cijenimo da navedenu procjenu treba revidirati. U Nacrtu Zakona u članu 8. propisuje se obaveza rukovodiocu obaveznika unosa podataka za osiguranje potrebnih kadrovskih i tehničkih kapaciteta za unos podataka u Registar. To podrazumijeva obezbjeđenje dodatnih kadrovskih i tehničkih kapaciteta, što bi neminovno dovelo do potrebe zapošljavanja novih kadrova i nabavke odgovarajuće opreme kako bi se zadovoljili tehnički zahtjevi i održavanje te opreme. Dakle, jasno je da će njegova implementacija neposredno ž posredno generisati finansijske troškove, a što bi moralo biti reflektovano u procjeni fiskalnog uticaja zakona“.

Stav predlagača: Primjedba se odbija, jer je cilj donošenja ovog zakona uspostavljanje jedinstvene evidencija podataka o finansijskim potraživanjima u Kantonu Sarajevo u svrhu centralizovanog, kvalitetnog i efikasnog upravljanja novčanim sredstvima.



Broj: 03-04/1-02-45940/25
Sarajevo, 17.09.2025. godine

MINISTARSTVO FINANSIJA
gosp. Afan Kalamujić, ministar

PREDMET: Prijedlog Zakona o Registru finansijskih potraživanja u Kantonu Sarajevo, mišljenje –

VEZA: Vaš akt, broj: 08-01-02-29621/25 od 11.09.2025. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst, 2/18-Ispravka i 32/22), Ministarstvo pravde i uprave razmotrilo je prijedlog ovog zakona i daje sljedeće

MIŠLJENJE

Prijedlog Zakona o Registru finansijskih potraživanja u Kantonu Sarajevo je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.

PO OVLAŠTENJU MINISTRICE
SEKRETAR



Broj: 09-02-45949/25
Sarajevo, 19.09.2025. godine

KANTON SARAJEVO
MINISTARSTVO FINANSIJA

PREDMET: Mišljenje na prijedlog Zakona o Registru finansijskih potraživanja u Kantonu Sarajevo.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišćени текст, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Kao pravni osnov za donošenje Zakona o Registru finansijskih potraživanja u Kantonu Sarajevo (u daljem tekstu: Zakon) navedene su odredbe čl. 12. tačka m) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17) kojim je propisano da je Kanton posebno nadležan za finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima, te da Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

Za zakonitost predloženih pravnih rješenja sadržanih u prijedlogu Zakona odgovoran je nosilac pripreme predmetnog materijala, a prihvatanje istih u isključivoj je nadležnosti Vlade, odnosno Skupštine Kantona Sarajevo.

2. Predmetni materijal je potrebno dopuniti sa mišljenjem Ministarstva pravde i uprave Kantona Sarajevo po pitanju zaštite ljudskih prava i osnovnih sloboda.



3. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



“Službene novine Kantona Sarajevo”
Broj 1/96

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV
KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14.decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.

Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje:Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

- b) osigurati suradnju svake osobe i svakog službenika u davanju potrebnih informacija i podataka;
 - c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
 - d) omogućiti prisustvo sudskim i upravnim postupcima kao i sastancima organa.
- Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimane odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zadržavanje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

upisanim u zk. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14
03. septembra 2014. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Zakonodavno-pravna komisija Skupštine Kantona Sarajevo

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine
Sarajevo

Po ovlaštenju
Esad Hrvčić, s. r.

ZAKON

O VLADI KANTONA SARAJEVO (Novi prečišćeni tekst)

I - OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvatić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifí sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

KOD

19010001

NAZIV

Ministarstvo finansija Kantona Sarajevo

B 2. Osnovni podaci o prijedlogu propisa

Vrsta propisa/akta

Zakon

DA

Odluka

NE

Strategija

NE

Naziv propisa/akta

Uredba

NE

Drugi akti

NE

Drugi akti planiranja

NE

C 3. Izjava o nepostojanju dodatnih fiskalnih efekata predloženog propisa

Prijedlog zakona o Registru finansijskih potraživanja u Kantonu Sarajevo

Za provođenje zakona o Registru finansijskih potraživanja u Kantonu Sarajevo nisu potrebna dodatna finansijska sredstva u Budžetu Kantona Sarajevo

D 4. Pečat i potpis odgovornog lica obrađivača, odnosno predlagača propisa

Dr. Afan Kalamujić

Mjesto i datum

16.9.2025. godine

